

Mbeti ti Nzapa - Salvation Scriptures

Ephèse 2:2 so i tambela da guiriri na legue ti sesse so, na legue ti makounzi ti angangou ti ndouzou, yingo so a yeke sala na ya amelengue ti ajo so a ke tene.

Matthieu 6:10 Ani ye royaume ti Mo a ga. Ani ye a sala na sesse so ye so be ti Mo a ye, legueoko tonga na so a sala na yayou.

Luc 22:42 Lo tene, Baba, tonga na Mo ye, Mo lounguela kopo so ti pono ti Mbi. Mais Mo sala pepe ye so Mbi ye, Mo sala ye so Mo ye.

Jean 16:7-9 Mais Mbi tene na i tene-biani, gouengo ti Mbi a yeke ndjoni teti i. Teti tonga na Mbi goue pepe, fade Ouaouango A si na i pepe. Mais tonga na Mbi goue, fade Mbi to Lo na i. 8 Na la ni so Lo si, fade Lo djingo na sesse so tene ti siokpari, tene ti mbilimbili, na tene ti mbanga: 9 tene ti siokpari, teti ala ma na be na Mbi pepe,

2 Timothée 2:10 Teti tene so, mbi gbo ngangou na ya ye koue teti ala so Nzapa A iri ala na guigui, tonga so ala nga, ala lingbi ouara salut so a yeke na ya Christ Jésus, legueoko na gloire ti la koue la koue.

Aromain 15:20,21 Mbi yeke na nzala la koue ti fa Tene-ndjoni na ndo so ajo a di iri ti Christ da kodjoni pepe, si mbi sala da pepe na ndo guele ti da so mbeni jo a leke 21 Legueoko tonga na Mbeti ti Nzapa a tene: Ajo so a fa tene ti Lo na ala pepe, fade ala ba Lo, Na ajo so a ma tene ni pepe, fade ala hinga nda ti tene ni.

Acts 2:36,37 Tonga so djia ajo koue ti Israël a hinga biani, Jésus so, Lo so i fa' Lo na keke-ti-croix, Nzapa A sala si Lo ga Seigneur na Christ. 37 Tonga na ala ma tene so, tene ni a pika be ti ala mingui, na ala tene na Pierre na ambeni bazenguele koue, A-itakoli, fade ani sala gne.

Ahébreu 4:2 Teti biani a fa Tene-ndjoni na ani legueoko tonga na a fa na ala. Mais tene so ala ma a sala ndjoni na ala pepe, teti ala so a ma tene ni a ke ti bongbi tene ni na mabe.

Jérémie 24:7 Fade Mbi mou na ala be ti hinga Mbi, ti hinga Mbi yeke L'Eternel; fade ala yeke ajo ti Mbi, na Mbi yeke Nzapa ti ala, teti fade ala kiri na Mbi na be ti ala koue.

Acts 16:14 Mbeni ouali so a ma fango-tene ti ani a yeke Lydie ti kodro ti Thyatire. Lo ka bongo ti pourpre, na lo sambela Nzapa. Nzapa A lounguela be ti lo ti guingui tene so Paul a yeke tene.

Matthieu 13:14,15 Tonga so, na legue ti ala, tene so Esaïe a fa na iri ti Nzapa a ga tâ tene: Fade i ma ye mango, mais fade i hinga nda ni oko pepe. Fade i ba ye bango, mais fade i hinga ye ni oko pepe. 15 Teti be ti ajo so a ne na mafouta, Me ti ala a ma ndo ndjoni pepe, Na ala kanga le ti ala aoue. Ouala peut-être fade le ti ala a ba ye, na me ti ala a ma ye,

Na be ti ala a hinga nda ti ye, Na ala changé legue ti ala, Si Mbi lounguela kobela ti ala.

Esaïe 6:9,10 Lo tene, Goue, mo tene na ajo so, I ma ndo biani, mais i hinga nda ni pepe; i ba ndo biani, mais i ba nda ni pepe. 10 Sala si be ti ajo so a ga mafouta, sala si me ti ala a ma ndo ndjoni pepe, na kanga le ti ala; ouala peut-être fade ala ba na le ti ala, ala ma na me ti ala, ala hinga nda ti ye na be ti ala, na ala changé legue ti ala si A lounguela kobela ti ala.

Marc 4:11,12 Lo tene na ala, A mou na i ndara ti hinga tene so a honde guiriri, tene ti royaume ti Nzapa. Mais a fa tene na ala so a yeke na guigui gui na legue ti aparabole, 12 si ala lingbi ba ndo biani, mais ala hinga pepe ye so ala yeke ba, na ala lingbi ma ndo biani, mais ala hinga pepe nda ti ye so ala yeke ma, ouala peut-être fade ala changé legue ti ala, na A pardonné siokpari ti ala.

Jean 12:39,40 Na biani, ala lingbi ma na be pepe, teti Esaïe a tene nga, 40 Lo sala si le ti ala a ba ndo pepe, na Lo sala si be ti ala akpingba, Ouala peut-être fade ala ba ndo na le ti ala, na ala hinga ndati ye na be ti ala, Na ala changé legue ti ala, Na Mbi lounguela kobela ti ala.

Aromain 11:7,8 Tonga so, gne. Ye so ajo ti Israël a gui, ala ouara pepe. Mais ala so Nzapa A iri ala na guigui a ouara ye so. A sala si be ti atanga ni a kpwingba, 8 legueoko tonga na Mbeti ti Nzapa a tene: Juska la so, Nzapa A mou na ala yingo so a hinga ye pepe, Lo mou na ala le so a ba ndo pepe na me so a ma ndo pepe.

2 Thessalonique 2:10,11 na legue ti handa koue ti ye ti kirikiri teti ala so a yeke koui; teti ala ke ti kamata ndoye ti tene-biani, si ala lingbi ouara salut. 11 Teti tene so si, Nzapa A to na ala ye ti sala si be ti ala a ga kirikiri, si ala djia be ti ala na tene ti ouataka;

Matthieu 13:18-23 Tonga so i ma nda-tene ti parabole ti jo ti lou le' -kobe. 19 Tonga na mbeni jo a ma Tene ti royaume ni na lo hinga nda ni pepe, ouato-sioni a ga a kpala ye so a lou na be ti lo. Jo so a yeke le' ni so a ti na tele ti legue. 20 Le' ni so a ti na ndo ti lakiri a yeke jo so a ma Tene ni, na lo kamata Tene ni fade fade na tâ nguia, 21 mais lo maï pepe, na lo ngba la mingui pepe. Tonga na pono ouala ye ti ngangou a ga mbanga ti Tene ni, lo ti fade fade. 22 Le' ni so a ti na popo ti akeke ti ki a yeke jo so a ma Tene ni, na guingo-be ti lo tene ti aye ti ngoy so na handa ti mossoro a kanga koussala ti Tene ni, si lo le' pepe. 23 Le' ni so A lou ni na ndjo sesse a yeke jo so a ma Tene ni na lo hinga nda ni. Ajo tonga so a le' biani. Mbeni a le' ngbangbou oko, mbeni a le' baliomana, na mbeni a le' baliota.

2 Corinte 3:15,16 Mais juska la so, tonga na ala diko mbeti ti Moïse, voile so a ngba ti kanga be ti ala. 16 Mais tonga na mbeni jo a changé legue ti lo,

Io ga na Seigneur, A lounguela voile ni.

Esaïe 30:28 Mbo' ti yanga ti Lo a yeke tonga na ngou so a soukou, a mou sesse koue juska na go ti jo, na a yingui amara na yenguele ti fouti ala; na fade A djia bride na yanga ti ajo si ala goue kirikiri.

Osée 11:3-7 Mais a yeke Mbi so Mbi fa na Ephraïm legue ti tambela; Mbi kamata ala na ti ti Mbi, mais ala hinga pepe a yeke Mbi so Mbi lounguela kobela ti ala. 4 Mbi gboto ala na kamba ti be-ndjoni, na kamba ti ndoye; na Mbi yeke tonga na jo so a lounguela kamba ti joug na ndo ngbangba ti ala, na Mbi mou kobe na ala. 5 Fade ala kiri na sesse ti Egypte pepe, mais fade jo ti Assyrie a ga gbia ti ala, teti ala ke ti kiri na Mbi. 6 Na fade épée a ti na ndo akodro ti ala, na a fa' barre so a kanga porte ti yanga ti kodro mbanga ti tene so ala leke na popo ti ala. 7 Ajo ti Mbi a leke be ti ala ti djia Mbi. Kamême ala iri ala ti ba ndo na ndouzou, jo oko ti ala a ya le ti lo pepe.

Acts 26:18 Mbi to mo ti lounguela le ti ala si ala djia bingo ti ga na lumière, na si ala si guigui na gbe ti ngangou ti Satan ti ga na Nzapa. Mbi to mo si ala so a ma na be na Mbi a ouara pardon ti siokpari, na a ouara ye ti héritier na popo ti ajo so Mbi bata ala nde teti Mbi mveni.

2 Timothée 2:24-26 Na a lingbi boy ti Seigneur a papa pepe, mais lo sala ndjobe na ajo koue, lo hinga legue ti fa nda ti tene na ajo, be ti lo a nze pepe, 25 na legue ti tâ be ti melengue lo oua ala so a ke tene; tonga so peut-être Nzapa A sala si ala changé be ti ala si ala hinga tene-biani mbilimbili, 26 na li ti ala a ga da mbilimbili, na ala si guigui na ya son ti djabalo, lo so a gbo ala ti sala ye so lo ye.

Revelation 3:17-19 Mo tene, Mbi yeke na mossoro, mossoro ti mbi a ouou mingui, na ye a manqué mbi pepe. Mais mo hinga pepe mo yeke jo ti voundou, jo ti pono, ouanzinga, ouaziba, na bongo a yeke na tele ti mo pepe. 18 Mbi oua mo ti vo na ti ti Mbi l'or so a to ni na ya oua, si mo lingbi ga jo ti mossoro. Na mo vo voulou bongo ti you si ajo a ba kamela ti mo pepe. Na mo vo pommade ti le ti djia na le ti mo si mo lingbi ba ndo. 19 Ala koue so Mbi ndoye ala, Mbi djingo na ala na Mbi oua ala. Tonga so a lingbi mo yeke na nzala ti sala ye, na mo changé be ti mo.

2 Corinte 7:10 Teti voundou so a loundou na Nzapa a sala si ajo a changé be ti ala, si ala ouara salut so voundou a yeke da pepe; mais voundou ti sesse so a mou koui.

1 Kings 18:37 Mo kiri tene na mbi, O L'Eternel, Mo kiri tene na mbi, O L'Eternel, si ajo so a lingbi hinga Mo yeke Nzapa, na Mo bian be ti ala mbeni.

2 Corinte 4:4 ala so a ma na be pepe, nzapa ti sesse so a sala si bibe ti ala a ga ziba, si ala lingbi ba lumière pepe, lumière ti Tene-ndjoni ti gloire ti

Christ, Lo so A yeke image ti Nzapa.

Luc 8:11-15 Nda-tene ti parbole so a yeke so: Le' -kobe so a yeke Tene ti Nzapa. 12 Le' ni so a ti na tele ti legue a yeke ajo so a ma Tene ni aoue, na ndani, djabalo a ga a lounguela Tene ni na be ti ala si ala ma na be pepe ti ouara salut. 13 Le' ni so a ti na ndo ti téne a yeke ajo so a ma Tene ni, na ala kamata Tene ni na tâ ngua, mais guele ti ala a yeke pepe na mabe ti ala a maï pepe. Tonga na handa a si, ala djia legue ni. 14 Le' ni so a ti na ya ti ki a yeke ajo so a ma Tene ni aoue, na tonga na ala goue na legue ti ala, guingo-be, mossoro, na ngua ti sesse so a kanga legue ti ala, si ala le' ndjo le'ngo pepe. 15 Mais le' ni so a ti na ndjo sesse a yeke ajo so a ma Tene ni na ala bata ni na be ti mbilimbili na ti ndjoni, na ala ngba ti le' la koue.

Acts 15:11 Mais ani hinga biani fade A sau ani na legue ti grâce ti Seigneur Jésus, legueoko tonga na A sau ala.

Aromain 8:13 Tonga na i tambela na legue ti mi-tele, fade i koui, mais tonga na i sala si akoussala ti tele a koui na legue ti Ying, fade i yeke na fini.

**Pastor T. John Franklin
Church of Salvation, Healing, and Deliverance
COS-HAD.org**